



**BOSNA I HERCEGOVINA**  
**URED ZA RAZMATRANJE ŽALBI**

**БОСНА И ХЕРЦЕГОВИНА**  
**КАНЦЕЛАРИЈА ЗА РАЗМАТРАЊЕ ЖАЛБИ**

**BOSNIA AND HERZEGOVINA**  
**PROCUREMENT REVIEW BODY**

**Broj: 01-50-2-156-2/14**  
**Sarajevo, 26.05.2014. godine**

**BOSNA I HERCEGOVINA**  
**VIJEĆE MINISTARA**  
**SARAJEVO**

**BOSNA I HERCEGOVINA**  
**PARLAMENTARNA SKUPŠTINA BOSNE I HERCEGOVINE**  
**SARAJEVO**

PRIMLJENO:			
Organizaciona jedinica	Klasifikaciona oznaka	Redni broj	Broj prijema
01-50-1-15-65		19	26.05.2014

**BOSNA I HERCEGOVINA**  
**PARLAMENTARNA SKUPŠTINA**  
**BOSNE I HERCEGOVINE**  
**PREDSTAVNIČKI DOM**

**PREDMET: Odgovor na poslaničko pitanje,**  
**dostavlja se,**

**Veza: Vaš dopis broj: 01/a-50-1-15-65/14 od 15.04.2014. godine**

Poštovani,

Povodom pitanja koje je na 65. sjednici Predstavničkog doma Parlamentarne skupštine Bosne i Hercegovine, održanoj 15.04.2014.godine, postavio poslanik Zijad Jagodić, a koje je zaprimljeno u Uredu za razmatranje žalbi dana 28.04.2014.godine, Ured za razmatranje žalbi u ostavljenom roku od 30 dana dostavlja traženi odgovor.

S poštovanjem,



**PREDSJEDAVAJUĆI**

*dr. Ostoja Kremenović*  
**dr. Ostoja Kremenović**

## ODGOVOR NA POSLANIČKO PITANJE

Na 65. sjednici Predstavničkog doma Parlamentarne skupštine Bosne i Hercegovine, održanoj 15.04.2014.godine, poslanik Zijad Jagodić je postavio poslaničko pitanje slijedećeg sadržaja:

1.,„Koji su ugovorni organi u BiH koje je URŽ obavezao u skladu sa ZJN BiH da oštećenim ponuđačima isplate odštetu u iznosu od 1.115.801,00 KM?”

2.”Protiv kojih ugovornih organa je URŽ podnio krivičnu prijavu nadležnim tužilaštvima o počinjenom krivičnom djelu u oblasti javnih nabavki sa iznosom od 5.954.233,71 KM i na što se isti konkretno odnose?

S tim u vezi, Ured za razmatranje žalbi daje slijedeći odgovor:

### **( I ) UGOVORNI ORGANI KOJI SU OBAVEZNI DA OŠTEĆENIM PONUĐAČIMA ISPLATE ODŠTETU U IZNOSU OD 1.115.801,00 KM**

- 1.1. Predmet URŽ broj: U 1510/13 – **Ugovorni organ : Opšta bolnica Zvornik-** ponuđač: “Farmaprom” doo Banja Luka: iznos 60.037,00 KM.
- 1.2. Predmet URŽ broj: U 1566/13 – **Ugovorni organ : Zavod za javno zdravstvo KS-** ponuđač: “Eko stil ” doo Sarajevo: iznos 14.000,00 KM.
- 1.3. Predmet URŽ broj: U 1602/13 – **Ugovorni organ : O.Š.Vuk Karadžić Omarska-** ponuđač: “Bital ” doo Banja Luka: iznos 46.991,35 KM.
- 1.4. Predmet URŽ broj: U 1471/11 – **Ugovorni organ : JP Željeznice FBiH-** ponuđač: “Junuzović-Kopex” doo Lukavac: iznos 790.040,58 KM.
- 1.5. Predmet URŽ broj: UP2 01.07.1-1367/12 – **Ugovorni organ Zavod zdravstvenog osiguranja i reosiguranja FBiH-** ponuđač: “Interpromet” doo Novi Grad – iznos: 91.230,17 KM.
- 1.6. Predmet URŽ broj: U: 906/11 – **Ugovorni organ JP Elektroprivreda BiH d Sarajevo-** ponuđač: “Mipex Auto RS ” doo Banja Luka – iznos: 61.560,00 KM.
- 1.7. Predmet URŽ broj: UP2 01.07.1-1471/13 ( djelimično osnovan zahtjev) – **Ugovorni organ Opština Novi Travnik-** ponuđač: “Mipex Auto RS ” doo Banja Luka – iznos: 550,00 KM.

- 1.8. Predmet URŽ broj: UP2 01.07.1-1118/13 – **Ugovorni organ: JP NIO Službeni list BiH Sarajevo-** ponudač: JP BH Pošta doo Sarajevo – iznos: 20.000,00 KM.
- 1.9. Predmet URŽ broj UP2-07.1-1990/12 – **Ugovorni Organ BiH Uprava za indirektno oporezivanje** – ponudač Mita Group Satchi & Satchi doo Sarajevo, iznos dodjeljen naknade: 30.512,38 KM

UKUPNO KM.....1.114.921,48

( II ) Ugovorni organi protiv kojih je URŽ podnio krivičnu prijavu nadležnim tužilaštvima o počinjenom krivičnom djelu u oblasti javnih nabavki sa iznosom od 5.954.233,71 KM i na što se isti konkretno odnose?

- 2.1. UP2 01-07.1-458/12 – **Ugovorni organ : J.P.SKPC “Mejdan” doo Tuzla:**  
Iznos zaključenih ugovora : 28.000, 00 KM /Krivična prijava od 06.02.2013.godine radi nesavjesnog rada u službi član. 387. KZ FBiH – KT Tuzlanskog kantona –Tuzla/
- 2.2. UP2 01-07.1-1018/12 – **Ugovorni organ : Republička uprava za geodetske i imovinsko pravne poslove R.S.-** iznos zaključenih ugovora : 2.828.097,09 KM /Krivična prijava od 06.03.2013.godine, nesavjesni rada u službi član. 354. KZ RS – OKT Banja Luka/
- 2.3. UP2 01-07.1-1087/12 – **Ugovorni organ : Republička uprava za geodetske i imovinsko pravne poslove R.S.-** iznos zaključenih ugovora: 2.828.097,09 KM /Krivična prijava od 06.03.2013.godine, nesavjesnog rada u službi član. 354 KZ RS.– OKT Banja Luka/
- 2.4. U- 1482/10 – **Ugovorni organ : AD Olimpijski centar “Jahorina” Pale-** iznos zaključenih ugovora 18.467,97 i 26.448,99 KM /Krivična prijava od 06.02.2013.godine , - nesavjestan rad u službi član. 354. KZ RS – OKT Istočno Sarajevo/
- 2.5. U 55/11 – Ugovorni organ : **Osnovni sud u Tesliću-** iznos zaključenog ugovora: 51.000,00 KM . /Krivična prijava od 28.03.2013.godine, - nesavjestan rad u službi član. 354. KZ RS – OKT Banja Luka.
- 2.6. UP2-01-07.1-1413/12 – Ugovorni organ : **ZP RITE “Ugljevik” ad Ugljevik-** iznos: 79.350,00 KM. /Krivična prijava od 18.12.2013.godine radi - Nesavjestan rad u službi član. 354 KZ RS.– OKT Bijeljina.

2.7. UP2-01-07.1-1892/12 – Ugovorni organ : JP Vodokom doo Kakanj- iznos:  
78.273,57KM /Krivična prijava od 23.12.2013.godine - nesavjestan rad u službi član. 387  
KZ FBiH.– KT ZE-DO KANTON/

2.8. U- 353/11 – Ugovorni organ : Vlada Unsko Sanskog Kantona- iznos: 16.502,00  
KM. /Krivična prijava od 18.12.2013.godine, - nesavjestan rad u službi član. 387. KZ FBiH –  
KT Vlada Unsko Sanskog Kantona/

UKUPNO.....5.954.233,71 KM

S poštovanjem,




**PREDSJEDAVAJUĆI**

*[Handwritten signature]*  
dr. Ostoja Kremenović



Broj: 101-25-1-1156-2/2014  
Sarajevo, 30.05.2014. godine



**Bosna i Hercegovina**  
**Parlamentarna skupština BiH**  
**Zastupnički dom / Predstavnički dom**  
**Np/ dr Milorad Živković, predsjedavajući Predstavničkog doma**

**Predmet: Odgovor na poslaničko pitanje**

Poštovani,

U vezi sa vašim dopisom broj 01/a-50 -1-15-65/14, a koji je Centralna banka Bosne i Hercegovine zaprimila 30.04.2014. godine dajemo sljedeći odgovor.

Želimo se zahvaliti na prilici da Centralna banka Bosne i Hercegovine detaljnije prezentira svoj rad u 2013. godini i posebne aktivnosti koje su poduzete u cilju ostvarivanja pozitivnog finansijskog rezultata i niza mjera štednje i racionalizacije operativnih troškova i poslovanja. Prema Zakonu o CBBiH, cilj Centralne banke je da postigne i održi stabilnost domaće valute (Konvertibilna marka) tako što izdaje domaću valutu prema aranžmanu poznatom pod nazivom valutni odbor. Jedan od osnovnih zadataka CBBiH je da drži i upravlja službenim deviznim rezervama Centralne banke na siguran i profitabilan način. Pri tome je obavezna da stranu aktivu investira u skladu sa principima i praksom zdravog ulaganja i da bez ograničenja udovolji svim zahtjevima komercijalnih banaka za kupovinu i prodaju KM za EUR. Otuda je upravljanje deviznim rezervama prvenstveno orijentisano na sigurnost ulaganja i održavanje zadovoljavajug nivoa likvidnih sredstava, a profitabilnost je od sekundarnog značaja i svodi se na to da se upravljanjem deviznim rezervama ostvari iznos neto prihoda dovoljan za pokriće svih rashoda CBBiH i da omogući preusmjeravanje određenog dijela čiste dobiti CBBiH u budžet institucija BiH. Ovdje je važno spomenuti i to da Zakon o CBBiH omogućava investiranje sredstava deviznih rezervi uglavnom u aktivu denominovanu u EUR (depozite kod inobanaka, depozite kod centralnih banaka EMU koje prihvataju depozite i državne HoV zemalja EMU), dok ulaganja u aktivu koja nije denominovana u EUR ne mogu prelaziti vrijednost ekvivalenta 50% kapitala i rezervi CBBiH (npr. 233 miliona KM na kraju 2013. godine).

Međutim, CBBiH i pored toga nastoji da u svakoj godini ostvari što je moguće viši iznos neto prihoda od deviznih rezervi uz prihvatljivo izlaganje kreditnom i tržišnim rizicima, što je izuzetno otežano u uslovima rekordno niskih nivoa kamatnih stopa na depozite kod ino banaka sa investivilnim nivoom kreditnog rejtinga i prinosa na državne HoV zemalja sa investivilnim nivoom suverenog kreditnog rejtinga (koji čine gro deviznih rezervi većine zemalja u razvoju i tranziciji).

Naime, kamatne stope na depozite kod navedenih banaka i prinosi na navedene državne HoV su se od 2008. godine do danas znatno smanjili. Godišnji prosjek tromjesečnog euribora u 2008. godini (4,6%) je bio 20 puta viši nego u 2013. godini (0,2%). Prosječne godišnje stope prinosa na dvogodišnje državne HoV zemalja EMU u 2008. godini (3,7%) bile 4 puta više nego u 2013. godini (0,9%), a smanjenje prinosa je puno više izraženo na HoV država „jezgra“ eurozone, koje imaju visoke kreditne rejtinge i predstavljaju sigurnije investicije.

Osim toga, neke od centralnih banaka eurozone su prestale da kotiraju kamatne stope na depozite, a inobanke koje su nastavile da prihvataju depozite CBBiH nudile su veoma niske (često i nulte) kamatne stope na kratkoročne depozite. CBBiH je stoga kontinuirano vršila preusmjeravanje sredstava deviznih rezervi iz depozita u državne HoV zemalja EMU. Investiranje u depozite je, radi obezbjeđenja dnevne likvidnosti iz sredstava dospijevajućih depozita, svedeno uglavnom na depozite oročenja do tri mjeseca. Posljedica takvog pristupa je smanjenje prosječnog stanja depozita kod inobanaka (sa 5,15 mrd KM u 2008 na 1,91 mrd KM u 2013.). S obzirom da je prosječno stanje deviznih rezervi u 2013. godini (6,57 mrd KM) približno jednako prosječnom stanju deviznih rezervi u 2008. godini, procenat učešća ukupnih depozita kod inobanaka u strukturi deviznih rezervi kojima upravlja CBBiH je takođe osjetno smanjen (sa 78% u 2008 na 29% u 2013. godini). Iz navedenih razloga (veoma niske kamatne stope na depozite kod inobanaka koje prihvataju depozite CBBiH i preusmjeravanje sredstava deviznih rezervi iz depozita kod inobanaka u državne HoV zemalja EMU).

Zahvaljujući aktivnijem pristupu upravljanju deviznim rezervama i nastojanju da se upravljanje deviznim rezervama i upravljanje rizicima (većim izlaganjem kreditnom i kamatnom riziku investiranjem u HoV koje dospijevaju u dužim vremenskim rokovima i/ili u HoV koje imaju nešto niže, ali još uvijek investibilne, nivoe kreditnog rejtinga) što bolje prilagodi izmijenjenim okolnostima na finansijskim tržištima, CBBiH je u posljednjih nekoliko godina donekle kompenzovala izostanak kamatnih prihoda na depozite kod inobanaka i upravljajući deviznim rezervama na siguran i profitabilan način ostvarivala iznos neto prihoda od deviznih rezervi dovoljan za pokriće svih rashoda CBBiH i ostvarenje relativno zadovoljavajućeg profita u svakoj godini. CBBiH je u periodu 2010-2013 ostvarila ukupno 143 miliona profita (u prosjeku 35,8 miliona KM svake godine), od čega je, u skladu sa Zakonom o CBBiH, u budžet institucija BiH transferisano oko 86 miliona KM (60%).

Centralna banka Bosne i Hercegovine u 2013. godini nije mijenjala tarife naknada za platne transakcije i za pristupe podacima, tako da je razlog za nešto manje prihode od provizija u 2013. godini u odnosu na 2012. godinu smanjen broj transakcija komercijalnih banaka i drugih komitenata. Rashodi od provizija i naknada se odnose na transakcije sa bankama u inostranstvu vezane za investiranje deviznih rezervi CBBiH (u najvećem dijelu provizije na investirane vrijednosne papire), i bili su veći u 2013. godini u odnosu na 2012. godinu jer je povećan iznos investiranih deviznih rezervi, odnosno investiranih vrijednosnih papira.

Centralna banka BiH sprovodi mjere za racionalizaciju administrativnih i materijalnih troškova, kao i racionalizaciju nabavki opreme, i to do nivoa koji obezbjeđuje normalnu efikasnost poslovanja Centralne banke, a uz blagovremeno, kvalitetno, efikasno i profesionalno ispunjavanje njenih osnovnih funkcija i zadataka. Razlog povećanja ovih troškova u 2013. godini u odnosu na 2012. godinu su troškovi proizvodnje gotovine.

U skladu sa računovodstvenim politikama CBBiH, a ista praksa se koristi i u drugim centralnim bankama, troškovi proizvodnje gotovine razgraničavaju se na određeni vremenski period (u CBBiH na period od 3 godine). U 2012. godini razgraničeni troškovi proizvodnje gotovine uključivali su troškove proizvodnje novčanica koji se odnose na period od 8 mjeseci (od aprila 2012. godine). U 2013. godini razgraničeni troškovi proizvodnje gotovine uključuju troškove proizvodnje novčanica za svih 12 mjeseci i troškove proizvodnje kovanica (kojih nije bilo u 2012. godini) na period od 3 mjeseca (od oktobra 2013. godine).

Istovremeno, u toku 2013. godine ostvareno je preko milion KM ušteda samo na operativnim troškovima u odnosu na inicijalni plan za 2013. godinu, a od planiranih nabavki procesima konsolidacije i racionalizacije nije utrošeno 4 miliona KM.

Naime, izvršen je niz aktivnosti između ostalog navodimo sljedeće: smanjenje broja korisnika službenih mobilnih telefona i troškova fiksne telefonije uz uvođenje participacije službenika u ostvarenim troškovima fiksne telefonije, smanjene usluga čišćenja, smanjenje utroška kancelarijskog materijala i papira za štampanje. Uveden je sistem Microsoft lincenciranja što je dugoročno smanjilo troškove pojedinačne nabavke licenci. Broj službenih putovanja i edukacije je značajno smanjen a primjenjivao se sistem korporativnih milja gdje se nabavka avio karata vrši s jednog mjesta i sve ostvarene milje se evidentiraju na računu Centralne banke BiH čime se naknadno ostvaruju besplatni letovi. Primjenjen je sistem video-konferencinga čime se osigurala efikasnija komunikacije između organizacionih jedinica. Konsolidacijom server soba odustalo se od nabavke velike količine opreme. Na personalnim troškovima novim internim aktima definisani su limiti i stroga pravila za naknade (slučaj bolesti, smrti, rada u komisijama i sl). Također se nije povećavao ukupan broj službenika od 2010. godine pa se 2013. godina završila na istom nivou. Promjenama organizacije od 1. marta 2013. sačinjena je racionalizacija radnih mjesta, ukinuta su mjesta savjetnika na svim nivoima i mjesta koordinatora odjeljenja, te je ukinut određen broj službi čime je smanjen broj rukovodećih visokopozicioniranih mjesta. Saradnjom sa različitim međunarodnim i evropskim institucijama realizovano je u cijelosti finansiranje mnogih razvojnih projekata (statistički web portal koji je kao takav jedini u regiji implementirala Centralna banka BiH, baze podataka za ljudske resurse, sofver za praćenje krivotvorenih novčanica i sl.) te su se time također ostvarile uštede na vlastitim sredstvima planiranim za te namjene, a osigurao kontinuiran razvoj i unapređenje poslovanja. Mnogim iniciranim projektima čija je realizacija u toku nastavlja se proces racionalizacije i automatizacije poslovnih procesa s ciljem ostvarivanja dodatnih ušteda uz osiguranje daljnjeg razvijanja i modernizacije poslovnih procesa Centralne banke Bosne i Hercegovine u skladu s međunarodnim i evropskim standardima i najboljim praksama razvijenih Centralnih banaka EU.

S poštovanjem,



**GUVERNER**

*dr Kemal Kežarić*  
**dr Kemal Kežarić**